

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-03-30-11217/20
Sarajevo, 28.04.2020. godine

KANTONA SARAJEVO
Vlada Kantona Sarajevo

- Ovdje -

Predmet: Prijedlog odgovora na zastupničko pitanje zastupnice Segmedina Srna Bajramović,
dostavlja se Veza: akt broj 01-04-10308-11/20 od 23.04.2020. godine


U Ministarstvu za rad, socijalna pitanja, raseljena lica i izbjeglice Kantona Sarajevo zaprimljen je akt Predsjedavajućeg Skupštine Kantona Sarajevo, gornji broj i datum, kojim se ovom ministarstvu dostavlja zastupničko pitanje zastupnice Segmedina Srna Bajramović, a kako bi Vlada Kantona Sarajevo o istom zauzela konačan stav.

Zastupnica Segmedina Srna Bajramović je na 24. Radnoj sjednici Skupštine Kantona Sarajevo, održanoj dana, 23.04.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, postavila slijedeće zastupničko pitanje:

“Da li Vlada KS u ovom momentu ima u planu određene programe pomoći ljudima koji su godinama na birou, jer se očigledno radi o socijalno ugroženim kategorijama? Potpuno sam svjesna činjenice da danas imamo ljude koji svakodnevno ostaju bez posla, gdje Vlada planom podrške mora učiniti sve da sačuva svako radno mjesto, međutim izuzetno je važno da u ovom momentu uspostavimo mehanizam kroz Ministarstvo za rad i socijalnu politiku, u kojem ćemo prepoznati sve one koji su i prije ove krize bili u teškoj situaciji, pa im je danas sve dodatno usložnjeno.”



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Odgovor:

Ministarstvo za rad, socijalnu politiku, raseljena lica i izbjeglice Kantona Sarajevo učestvuje u pripremi Programa mjera za podsticaj zapošljavanja i održavanje više stope zaposlenosti koji implementira JU "Služba za zapošljavanje Kantona Sarajevo" Sarajevo. Pitanje osoba koje se godinama vode na evidenciji nezaposlenih u Kantonu Sarajevo je prepoznato i od strane ministarstva i od strane Kantonalne službe za zapošljavanje, te se na isto odgovara ciljanim aktivnim mjerama politike zapošljavanja kako slijedi:

1. Programom mjera za podsticaj zapošljavanja i održavanje više stope zaposlenosti u Kantonu Sarajevo u 2017. godini realizirani su sljedeći programi u kojima je vrijednosni kriterij bio vrijeme provedeno na evidenciji nezaposlenih:
 - "Program obuke za socijalno osjetljive kategorije nezaposlenih osoba" za 13 osoba iz ciljane grupe, a za koji je izdvojeno 5.850,00 KM;
 - "Klub za traženje posla" kojim je obuhvaćeno 1.000 osoba, a izdvojena finansijska sredstva su bila u ukupnom iznosu 12.000,00 KM i
 - "Program obuke nezaposlenih osoba za samozapošljavanje" kojim je obuhvaćeno 30 osoba sa evidencije nezaposlenih i za koji je izdvojeno 17.850,00 KM

2. Programom mjera za podsticaj zapošljavanja i održavanje više stope zaposlenosti u Kantonu Sarajevo u 2018. godini realizirani su sljedeći programi u kojima je vrijednosni kriterij bio vrijeme provedeno na evidenciji nezaposlenih:
 - "Program sufinansiranja samozapošljavanja osoba do 35 godina života" kojim je obuhvaćeno 94 nezaposlene osobe, a za realizaciju podsticajne mjere je izdvojeno 846.000,00 KM;
 - "Program sufinansiranja samozapošljavanja >Trgovac pojedinac<" kojim je obuhvaćeno 100 osoba, a za realizaciju izdvojeno ukupno 240.000,00 KM;
 - "Program sufinansiranja zapošljavanja "Posao za sve" kojim je obuhvaćena 571 osoba sa evidencije nezaposlenih, a ukupan iznos obezbjeđenih sredstava za realizaciju programa je iznosio 2.400.272,00 KM i
 - "Klub za traženje posla" kojim je obuhvaćeno 1.000 osoba, a izdvojena finansijska sredstva su bila u ukupnom iznosu 12.000,00 KM.

3. "Program mjera za podsticaj zapošljavanja i održavanje više stope zaposlenosti i poboljšanje strukture zaposlenih u Kantonu Sarajevo u 2019. godini" realizirani su sljedeći programi u



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



kojima je uz davanje prioriteta osobama koje se vode na evidenciji nezaposlenih duže od 24 mjeseca i vrijednosni kriterij izražen putem bodovanja:

- “Program sufinansiranja zapošljavanja “Posao za sve” kojim je obuhvaćeno 497 osoba sa evidencije nezaposlenih, a ukupan iznos obezbjeđenih sredstava za realizaciju programa je iznosio 3.697.200,00 KM;
- “Program sufinansiranja zapošljavanja pripravnika VSS i VŠS” kojim je obuhvaćeno 100 nezaposlenih, a ukupan iznos obezbjeđenih sredstava za realizaciju programa je 960.000,00 KM;
- “Program sufinansiranja samozapošljavanja osoba do 35 godina života” kojim je obuhvaćeno 20 nezaposlene osobe, a za realizaciju podsticajne mjere je izdvojeno 400.000,00 KM;
- “Program sufinansiranja zapošljavanja 50+” kojim je obuhvaćeno 240 nezaposlene osobe, a za realizaciju podsticajne mjere je izdvojeno 2.304.000,00 KM.

Izuzev prethodno navedenih podsticajnih mjera, bitno je naglasiti da je cilj svih aktivnih mjera politike zapošljavanja smanjenje vremenskog perioda provedenog na evidenciji nezaposlenih. Samo u 2019. godini putem Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini, te Izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2019. godini JU “Služba za zapošljavanje Kantona Sarajevo” Sarajevo je pokrenula čitav niz programa pojedinačnih podsticajnih mjera finansirana dijelom iz vlastitih sredstava, a dijelom iz Budžeta Kantona Sarajevo za 2019. godinu. Ukupan iznos sredstava je 17.279.253,00 KM kojim je planirano sufinansiranje zapošljavanja, samozapošljavanja, te obuke, dokvalifikacije i prekvalifikacije ukupno 2.727 osoba sa evidencije nezaposlenih osoba u Kantonu Sarajevo.

Međutim, neočekivanim proglašenjem stanja prirodne i druge nesreće usljed pandemije Covid 19, te povećanim brojem otkaza sa posla, ukazuje na potrebu rebalansa Finansijskog plana JU “Služba za zapošljavanje Kantona Sarajevo” za 2020. godinu s ciljem utvrđivanja finansijskih sredstava za podsticajne mjere aktivne politike zapošljavanja i podizanje stope zaposlenosti, odnosno kada bude realna konačna procjena o broju novoprijavljenih osoba na evidenciju zapošljavanja, a koji ispunjavaju zakonske uslove za obezbjeđenje materijalne i socijalne sigurnosti putem Kantonalne Službe. Do tada Služba će postupiti u skladu sa preporukom Vlade Federacije BiH prema kojoj se trenutno sva raspoloživa sredstva trebaju usmjeriti ka osiguranju materijalne i socijalne sigurnosti nezaposlenih osoba. Finansijskim planom Kantonalne službe, za mjesec maj 2020. godine, obezbijedena su sredstva za isplatu novčane naknade (prava stečena prije proglašenja stanja prirodne i druge nesreće izazvane širenjem zaraze korona virusa) za ukupno 3.415 korisnika u iznosu od 1.289.504,00 KM. Obzirom da je, od 18.03. do 04.05.2020. godine, na evidenciju nezaposlenih prijavljeno novih 5.221 osoba, od kojih se najveći procenat odnosi na radnike koji su dobili otkaze. Istovremeno, obezbijedena sredstva za zdravstvenu zaštitu su u visini od 411.576,00 KM koja su dostatna za očekivani broj korisnika (u maju 2020. godine 68.596) prije proglašenja prirodne i druge nesreće.




web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Obzirom da se još ne zna konačan broj novoprijavljenih osoba na evidenciju nezaposlenih prouzrokovanog proglašenjem stanja prirodne i druge nesreće usljed širenja korona virusa, ne zna se ni iznos sredstava koji će biti potreban za isplatu novčane naknade i zdravstvenog osiguranjaradit će se rebalans Finansijskog plana Službe sa ciljem utvrđivanja sredstava koji će biti raspoloživ za mjere aktivne politike zapošljavanja i podizanja stope zaposlenosti.

Pripremila: Rada Lukić
Belma Trajkov, sekretarka

Dostavit
1. Naslov
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
- Customer focus
- Customer satisfaction
- Continuous improvement
- System/process effectiveness
www.tuv.rs/serbia/iso9001

ID 15 100 63666